



Na osnovu članova 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj 23/04), člana 13. i 20. Odluke o izvršavanju Budžeta Općine Centar Sarajevo za 2025. godinu („Službene novine Kantona Sarajevo“, broj: 06/25 i 10/25), člana 1. Pravilnika o uslovima, načinu i kriterijima za dodjelu sredstava vjerskim zajednicama („Službene novine Kantona Sarajevo“, broj: 14/25) i Odluke o pokretanju postupka raspisivanja i provođenje Javnog poziva broj: 13-11-1328/25 od 16.04.2025. godine, Općinski načelnik upućuje

JAVNI POZIV

za izbor korisnika i dodjele sredstava vjerskim zajednicama iz Budžeta Općine Centar Sarajevo za 2025. godinu.

I PREDMET JAVNOG POZIVA

Predmet javnog poziva je raspodjela finansijskih sredstava vjerskim zajednicama iz Budžeta Općine Centar Sarajevo planiranih u Budžetu Općine Centar za 2025. godinu na sljedećim pozicijama:

- 6141319- Tekući transferi vjerskim zajednicama za programske aktivnosti i obilježavanje vjerskih praznika u iznosu od 20.000,00 KM i
- 615311-2 Kapitalni transferi neprofitnim organizacijama Vjerske institucije i zajednice u iznosu od 30.000,00 KM

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

II PRAVO NA DODJELU SREDSTAVA

Pravo na dodjelu sredstava imaju vjerske zajednice sa sjedištem na području Općine Centar ili imaju izgrađene vjerske objekte na području ove općine.

Također, sredstva se mogu dodijeliti i vjerskim zajednicama koje nisu na području Općine Centar, ali su od značaja za redovno obavljanje vjerskih obreda za lokalno stanovništvo.

III PRIJAVA NA JAVNI POZIV

Prijava na javni poziv podnosi se na propisanom obrascu koji je objavljen u prilogu ovog Javnog poziva na zvaničnoj web stranici Općine Centar Sarajevo. Podnosioci zahtjeva na Javni poziv obavezni su osim uredno popunjenog prijavnog obrasca dostaviti sljedeće dokumente (original ili ovjerene kopije):

- Zahtjev za dodjelu sredstava za kapitalna ulaganja treba biti detaljno obrazložen, sa preciznim informacijama o projektu, sa predmjerom i predračunom radova, planiranim aktivnostima, namjeni sredstava (sanacija, rekonstrukcija, druga namjena). Uz zahtjev je potrebno dostaviti:

- Potrebne dozvole i saglasnosti (urbanističke, građevinske, saglasnosti Komisije za očuvanje nacionalnih spomenika i sl.) ukoliko se radi o radovima koji podrazumijevaju ovakvu vrstu dokumentacije,
 - Dokaz o obezbjeđenju dijela sredstva (ukoliko su u pitanju građevinski radovi vrijednosti preko 10.000 KM),
 - Bankovna instrukcija za plaćanje (potvrda o broju tekućeg računa).
- Uz zahtjev za dodjelu sredstva za tekuće projekte, vjerske zajednice su dužne dostaviti projekat sa kojim apliciraju za novčanu podršku, odnosno navesti naziv projekta, cilj, aktivnosti, planirano vrijeme realizacije, očekivani broj učesnika, mjesto realizacije, budžet planiranih aktivnosti sa jasno definisanim budžetskim stavkama i pojedinačnim iznosima, te bankovnu instrukciju za plaćanje (potvrda o broju tekućeg računa).

IV KRITERIJI

Sredstva planirana u Budžetu raspodjeljuju se vjerskim zajednicama za projektne i druge aktivnosti, i to:

- Institucijama IZ u BiH – Medžlis IZ Sarajevo i dr. – 50 % od ukupno planiranih budžetskih sredstava za vjerske zajednice.
- Institucijama Katoličke crkve u BiH – Vrhbosanska nadbiskupija i dr. – 25 % od ukupno planiranih budžetskih sredstava za vjerske zajednice.
- Institucijama SPC u BiH - Mitropolija Dabrobosanska i dr. – 15% od ukupno planiranih budžetskih sredstava za vjerske zajednice.
- Institucijama Jevrejske zajednice BiH – Jevrejska općina Sarajevo – 10% od ukupno planiranih budžetskih sredstava za vjerske zajednice.

Planirana sredstva dodjeljuju se za:

- građevinsko – zanatske radovi, sanacije, ili rekonstrukcije postojećeg vjerskog objekta ili dijela objekta, kao i izgradnja – dogradnja novog objekta ili dijela objekta;
- organizacija vjerskih praznika, blagdana, manifestacija, vjersko – kulturnih i prosvjetnih događaja, tribina, okruglih stolova, te raznih oblika i vidova prezentiranja stvaralaštva vjerske zajednice, kao i štamparsko – izdavačke, prevodilačke i druge aktivnosti.

Prednost za dodjelu sredstava kapitalnog granta imaju vjerski objekti sa područja Općine Centar Sarajevo, te oronuli, dotrajali objekti koji imaju status kulturno historijskog nasljeđa ili su pod zaštitom države, kao i objekti čije stanje ugrožava sigurnost imovine i lica.

Ukoliko neka od vjerskih zajednica ne dostavi svoje zahtjeve na Javni poziv Komisija za provođenje postupka može predložiti preraspodjelu sredstva na druge vjerske zajednice, u skladu sa dostavljenim zahtjevima.

V NAČIN DODJELE NOVČANIH SREDSTAVA

Pristigle zahtjeve će razmatrati Komisija za provođenje postupka dodjele sredstava vjerskim zajednicama (U daljem tekstu: Komisija za provođenje postupka). Komisija za provođenje postupka dužna je prije dostavljanja prijedloga odluke o dodjeli sredstava općinskom načelniku, pribaviti mišljenje Komisije za odnose sa vjerskim zajednicama Općinskog vijeća Centar Sarajevo, nakon čega Služba za obrazovanje, društvene djelatnosti, kulturu i sport objavljuje preliminarnu listu odabranih korisnika. Svaki član Komisije će biti isključen iz postupka dodjele ukoliko se utvrdi da je u sukobu interesa u odnosu na podnosioca zahtjeva, a podnosioc zahtjeva ima mogućnost prijaviti sumnju na postojanje sukoba interesa, o kojima će davaoc budžetski sredstava odlučivati pojedinačno po svakoj prijavi.

Podnosioci zahtjeva mogu u roku od osam dana od dana objavljivanja preliminarne liste podnijeti pismeni prigovor Komisiji za razmatranje prigovora.

Odluku o prigovoru, Komisija će donijeti u istom roku, računajući od dana njegovog podnošenja.

Nakon okončanog postupka prigovora Općinski načelnik donosi konačnu odluku.

OSTALE INFORMACIJE

Komisija za provođenje postupka neće razmatrati zahtjeve za dodjelu novčanih sredstava onim vjerskim zajednicama koje nisu u skladu sa Odlukom o izvršenju budžeta Općine Centar dostavile izvještaj o utrošku novčanih sredstava za prethodnu godinu.

Komisija za provođenje postupka neće razmatrati zahtjeve pojedinačnih vjerskih objekata za dodjelu novčanih sredstava iz kapitalnog i tekućeg granta, nego isključivo zahtjeve vjerskih zajednica, bez obzira na pravni status (položaj) vjerskog objekta.

Komisija za provođenje postupka neće razmatrati zahtjeve čija vrijednost prelazi iznos ukupno planiranih sredstava u Budžetu za ove namjene bez dokaza o obezbjeđenju dodatnih sredstava od strane drugih donatora.

VII NAČIN PODNOŠENJA ZAHTJEVA

Zahtjev sa dokumentacijom se podnosi Službi za obrazovanje, društvene djelatnosti, kulturu i sport – Odsjek za kulturu i sport putem protokola Općine ili putem pošte sa naznakom „Javni poziv za izbor korisnika i dodjele sredstava vjerskim zajednicama iz Budžeta Općine Centar Sarajevo za 2025. godinu“.

Sve dodatne informacije o načinu i postupku prijave na Javni poziv mogu se dobiti putem maila: kultura@centar.ba ili na broj telefona: 032/562-360.

OPĆINSKI NAČELNIK
Srđan Mandić